




«Կ. Դեմիրճյանի անվան մարզահամերգային համալիր» ՊՈԱԿ
Sport and Concert Complex after K. Demirchyan SNCO
ГНО «Спортивно-концертный комплекс имени К. Демирчяна»



«Ասատրյան» ՍՊԸ-ի տնօրեն՝

պարոն Ս.Ասատրյանին

Հարգելի պարոն Ասատրյան

«Կ. Դեմիրճյանի անվան մարզահամերգային համալիր» ՊՈԱԿ-ի (այսուհետ՝ մարզահամերգային համալիր) և «Ասատրյան» ՍՊԸ-ի (այսուհետ՝ ՍՊԸ) միջև 13.03.2017 թվականին կնքված ԿԴՄՀՀ-ՊԸԾԶԲ-17/2 ծածկագրով պետական գնման պայմանագրի (այսուհետ՝ պայմանագիր) համաձայն՝ մարզահամերգային համալիրը ՍՊԸ-ից ձեռք է բերելու հիմնական միջոցների գույքագրման համակարգ և գույքագրման ծառայությունների մատուցում՝ համաձայն պայմանագրի 1.1 կետի, ինչպես նաև պայմանագրի անբաժանելի մասը կազմող N 1 հավելվածի:

13.03.2017 թվականից մինչ օրս ՍՊԸ-ն չի ստանձնել պայմանագրով իրեն վերապահված պարտավորությունների կատարումը. այն է՝ պայմանագրի N 1 հավելվածով նախատեսված հիմնական միջոցների գույքագրման համակարգի տրամադրումը և այդ համակարգի միջոցով իրականացվող ծառայությունների մատուցումը:

ՀՀ քաղաքացիական օրենսգրքի 408-րդ հոդվածի համաձայն՝ «Պարտավորության խախտում է համարվում այն չկատարելը կամ անպատշաճ (կետանցով ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը»:

Պայմանագրի 2.1.3 կետի համաձայն Պատվիրատուն իրավունք ունի միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝ ա) մատուցված ծառայությունը չի համապատասխանում սույն պայմանագրի N 1 հավելվածով սահմանված պահանջներին, բ) խախտվել է ծառայության մատուցման ժամկետը:

ՀՀ քաղաքացիական օրենսգրքի 466-րդ հոդվածի 3-րդ մասի համաձայն՝ «Պայմանագիրը լրիվ կամ մասնակի կատարելուց միակողմանի հրաժարվելու դեպքում, երբ պայմանագրից հրաժարվելը թույլատրվում է օրենքով կամ կողմերի համաձայնությամբ, պայմանագիրը համապատասխանաբար համարվում է լուծված կամ փոփոխված»:

Հիմք ընդունելով նշված գնման ընթացակարգի պատասխանատու ստորաբաժանման առաջարկությունը և այն հանգամանքը, որ ՍՊԸ-ի կողմից խախտվել են պայմանագրով



«Կ. Դեմիրճյանի անվան մարզահամերգային համալիր» ՊՈԱԿ
Sport and Concert Complex after K. Demirchyan SNCO
ГНО «Спортивно-концертный комплекс имени К. Демирчяна»

նախատեսված պարտավորությունները՝ մարզահամերգային համալիրը, ղեկավարվելով ՀՀ քաղաքացիական օրենսգրքի և պայմանագրի դրույթներով՝ միակողմանի հրաժարվում է «Ասատրյան» ՍՊԸ-ի հետ ԿԴՄՀՀ-ՊԸԾԶԲ-17/2 ծածկագրով կնքված գնման պայմանագրից, որի դեպքում պայմանագիրը ՀՀ քաղաքացիական օրենսգրքի 466-րդ հոդվածի 3-րդ մասի համաձայն համարվում է լուծված:

Վերոգրյալով պայմանավորված՝ ներկայացնում եմ Ձեզ պայմանագիրը միակողմանի լուծելու վերաբերյալ ծանուցումը, որը նաև ՀՀ կառավարության 10.02.2011թ. «Գնումների գործընթացի կազմակերպման մասին» N 168-Ն որոշման հավելված N 1-ով հաստատված կարգի 36-րդ կետի 17-րդ ենթակետի համաձայն հրապարակվել է www.gnumner.am ինտերնետային կայքում:

Հարգանքով՝

ԳՈՐԾԱԴԻՐ ՏՆՕՐԵՆ՝



Վ.ԱՍՍՏՐՅԱՆ